

Dydy San Steffan Ddim yn Gweithio!

1 Economi - Yn draddodiadol roedd GDP Cymru yn llawer uwch na'r Iwerddon. Erbyn hyn, fel gwlad annibynnol yn yr 21ain ganrif, mae GDP Gweriniaeth Iwerddon bedair gwaith yn uwch na Chymru. Dydy San Steffan ddim yn dda i economi Cymru - mae annibyniaeth yn well.

2 Dŵr - Mae yna 243 biliwn litr o ddŵr yn cael ei bwmpio o Gymru i Loegr bob blwyddyn. Ond nid ein cymunedau ni sy'n elwa. Mae Severn Trent Water yn berchen ar sawl cronfa yng Nghanolbarth ein gwlad ac yn gwerthu'r dŵr gan wneud elw blynyddol o £1 Biliwn. 'Does dim ceiniog o hwn yn dod nôl i Gymru.

3 Trafnidiaeth - Mae 11% o'r rhwydwaith rheilffyrdd yma yng Nghymru,

ond dim ond 1.6% o'r buddsoddiad. Does gennym ni ddim hyd yn oed ffordd addas na rheilffordd o gwbl rhwng y de a'r gogledd!

4 Tlodi - Mae San Steffan wedi gwneud y DG yn un o'r llefydd mwyaf anghyfartal yn Ewrop. Mae cyfoeth Llundain Fewnol yn 614% o'r cyfartaledd drwy'r UE ond mae de orllewin Cymru a'r Cymoedd ymysg yr ardaloedd tlotaf yng ngorllewin Ewrop, gyda 68% o'r cyfartaledd drwy'r UE. Mae traean o blant Cymru'n cael eu magu mewn tldi. Er lles ein plant, mae'n rhaid i ni ennill ein hannibyniaeth. Mae Cymru'n dlawd diolch i San Steffan.

Yes
cymru

5 Ynni - Mae Cymru'n allforio ddwywaith mwy o ynni nac yr ydym yn ei ddefnyddio ond mae'n pobl yn byw mewn tldi tanwydd. Nid yw San Steffan yn caniatáu i'n Cynulliad wneud unrhyw benderfyniadau ar brosiectau ynni dros 350 MW - fel Morlyn Abertawe, er enghraifft. Yn ôl gwleidyddion San Steffan, dydyn' ni ddim ffit i wneud penderfyniadau drosom ein hunain.

6 Democratiaeth - Dydy Cymru erioed wedi ethol llywodraeth Geidwadol ond dyna yn'r mwyafrif o lywodraethau San Steffan ers y 50au. Hyd yn oed gyda datganoli mae llywodraeth San Steffan yn anwybyddu barn a dymuniadau pobl Cymru. Gweler gwastraff niwclear, Morlyn Abertawe a thrydaneiddio rheilffyrdd i enwi dim ond tri. Bydd annibyniaeth yn rhoi stop ar hynny. Byddwn yn gwneud ein penderfyniadau ein hunain. Mae dros 50 o wledydd ledled y byd wedi torri'n rhydd o reolaeth Prydain - a does dim un ohonynt wedi gofyn am gael mynd nôl dan bawen San Steffan. Mae annibyniaeth yn normal!



Mae Annibyniaeth yn Gweithio!



7 Amddiffyn – Mae Trident, arf niwclear y DG, yn costio £205 biliwn. Tra bo Denmarc a'r Iwerddon yn buddsoddi mewn addysg a rheilffyrdd mae'r DG ryfelgar yn taflu ein harian prin at y diwydiannau militaraid. Mae'r DG wedi ymladd 12 rhyfel ers yr Ail Ryfel Byd. Fel Cymru annibynnol gallwn bennu cyllideb a pholisïau amddiffyn sy'n addas i ni.

8 Gwastraff Niwclear – O dan reolaeth San Steffan mae perygl real iawn i Gymru gael ei throi'n bin gwastraff niwclear. Yn y Gymru annibynnol gallwn atal hynny. Bydd gennym reolaeth dros unrhyw gynlluniau i godi gorsafoedd niwclear newydd a'r gwastraff maent yn ei greu.

9 Pam lai? – Pwy all edrych ar y llanast llwyr yn San Steffan - dros Brexit, eu sgandals a'u celwyddau dibendraw, Tŷ'r Arglwyddi anetholedig - heb feddwl y gallai Cymru wneud yn well? Rydym eisoes yn annibynnol yn y rhan fwyaf o chwaraeon a meysydd eraill. Mae'n bryd i ni ennill ein hannibyniaeth gwleidyddol hefyd - fel pob gwlad normal arall.

10 Mae Cymru'n genedl – gyda'i hiaith a'i thraddodiadau ei hun sy'n datblygu drwy'r amser. Mae'n genedl sy'n agored i'r byd. Mae cydraddoldeb sofran yn un o egwyddorion sylfaenol y Cenhedloedd Unedig ac mae 193 o'r cenhedloedd hynny bellach. Gadewch i ni fod yn rhif 194. Gallai Cymru, fel Denmarc a'r Iwerddon, gyd-rannu ei sofraniaeth. Bydd cyd ddbyniaeth yn gweithio i Gymru annibynnol. Er budd Cymru a'i holl bobl sydd - ac a fydd - yn ei galw'n gartref. Ni all y Gymru falch, gynhwysol, gyfartal a modern yr ydym am ei weld fforddio i barhau i fod yn ôl-ystyriaeth mewn Deyrnas Gyfunol sy'n methu.

Yes
cymru

Dilynwch YesCymru i weld sut y bydd annibyniaeth yn sicrhau Cymru well:

T: @YesCymru **F:** facebook.com/yescymru **I:** instagram.com/yescymru
W: cy.yes.cymru **E:** post@yes.cymru

